

李文恭公遺集

李文恭公文集卷十四目錄

湘陰李星沅石梧著

男

栢 栢 栢

編次

粵西軍書

周敬修中丞

周敬修中丞向欣然提軍

周敬修中丞向欣然提軍

向欣然提軍

周敬修中丞

向欣然提軍

周敬修中丞

周敬修中丞

周敬修中丞

周敬修中丞向欣然提軍

周敬修中丞向欣然提軍

徐仲紳制軍

周敬修中丞

周敬修中丞向欣然提軍

周敬修中丞

周敬修中丞

周敬修中丞

向欣然提軍

徐仲紳制軍

周敬修中丞

周敬修中丞向欣然提軍

周敬修中丞 二月十八日

十七申刻縷布一函想電入三日未接賜書時切翹念
武宣兵勇次第雲集向二兄近承商推布置精詳必能
一戰全勝象州得黔兵八百提標兵四百分段防堵當
無他慮修仁永安止要象州堵住亦當無他慮也惟賀
縣援兵未見由潯分撥而博白一縣近有凌十八劉入
竄擾不知當作何狀倘鬱博不能攔截更恐闖入桂平
且爲東鄉逆匪聲援此則沅所殷憂卓見想亦同此大

凡重兵屯聚必不可久久則他夥乘虛躍躍欲動能毋
回顛躊躇耶

周敬修中丞向欣然提軍

二月十八日

本日肅復一函想塵青覽申刻接十六日公函及欣然
兄另示領悉該匪竄踞東鄉斷不可令過三里蓋一過
三里則修仁象州柳府處處可通故三里最爲要緊此
時必已嚴防各路兵勇諒亦趕到至象州先經沅派提
標兵四百名又貴州李鎮所帶後起兵八百名馳往防

堵現止須搖壯五百名同駐似可足用成叅將撫提標
兵七百餘名楚全勇四百名均可撤回武宣助剿究竟
秦鎮所帶黔兵二千二百名是否調來武宣抑仍與李
鎮滇兵二千名均畱紫荆山一帶追剿未荷明示甚爲
懸懸如果楚兵奮勇又得張守堯勇等千二百名提勇
等千二百名閩勇及陳守壯勇共千名足敷督剿之用
則秦李兩鎮管帶滇黔兵四千名畱在紫荆山堵賊咽
喉且備桂平緩急計亦良得統祈酌定以免往返僕僕

也賀縣已派廣兵三百前往恐難得力專盼武宣大捷
此外勢如破竹矣

再秦李兩鎮尙勇往且當用兵之際卽黔滇兩處官兵
亦必多方鼓勵無令灰心解體以爲獨厚楚兵也周署
鎮現隨秦鎮不過裨將無足重輕瞿騰龍今日到此已
催赴武宣矣

又二月十九日

十八日先寄一函酉刻又遞復書度可先後呈覽此時

兵壯已到如何分布合圍自荷熟籌勝算賊勢方窮利
在乘勝攻剿久則恐生他變秦鎮兵能來協助足資前
面截擊又恐紫荆山後路滇省兵力較單未能堵斷仍
致該匪逸出勢非官兵三千不可統祈酌之成叅將所
帶撫提標兵七百名應畱武宣備用如果柳府有警再
由大營速撥勁兵此時尚不汲汲潯城南路空虛鬱博
情形尤爲可慮卽賀縣日內亦未審何似萬分焦灼聞
東鄉地勢較低四面受敵總須扼住三里墟賊卽無路

可走象州有原派兵四百名又有黔兵八百名若再得
搖勇五百名扼住大樟以上似可無事亦祈就近密飭
爲荷

向欣然提軍 二月十九日

十九日辰刻肅寄一函頃接十七日辰刻惠書知侯秦
竹坡鎮軍帶兵到武會商剿捕自操必勝之道所有成
叅將帶兵千餘名自由象州撤回協剿以象州原派提
標四百名李署鎮管帶後起黔兵八百名先後到彼防

堵若再得獠壯五百名畱於山隘協防兵力亦云厚矣
現在緊要著力全在東鄉圍攻正須滇黔同心萬勿視
爲無用以致大衆解體至續請調兵緩不濟急左大雄
土練亦止數百並無千數已函致雲南制府札調若北
方勁旅與南方不甚相宜且粵西山路崎嶇迥非平原
曠野馬隊更無用處止有滇黔官兵尙爲近便是以續
請二千然到此不知何時矣此次大黃江墟牛排嶺兩
處賊巢被焚逃竄均照來咨叙摺未敢外加一語奏稿

想已照及東省制軍提軍兩處亦卽如示分咨請兵來
西剿捕但恐自顧不暇且以西省兵多東省兵少爲辭
耳

周敬修中丞

二月十九日

十九日早起甫發一函旋得十七日巳刻手書知於策
馬臨陣時仍自揮翰從容式微膽力大約武宣一舉節
府督守欣然督戰必以同心建功我兵火器當先尤須
分作數層如進退連環之類至據險設伏實爲目前要

義妙算固早及之此時兵不能分沅亦未肯相強但滇
黔鎮將尙祈節取所長官兵亦須激勵姑且應用斷無
發回之理至北方勁旅南方未見相宜且慮緩不濟急
容再奉商現當賊圖他竄誠得楚兵奮勇張守東勇可
用秦鎮頗曉行軍仰荷鎮定調遣象州得黔兵八百提
標兵四百再畱猺壯五百扼要駐守兵力不爲不厚沅
暫駐柳州可顧象州若駐象州則柳州難顧且夫馬船
旆迷辦
械上下文報一切均不便宜似以不動爲宜非敢矜言

帳房已

持重也武宣鄉民幸藉威望鼓舞此大好事

向欣然提軍

二月二十三

十六十八十九等日連寄數函想均入覽頃得十八日酉刻復書知李秦兩鎮管帶滇黔官兵已至介墟紮營其地勢如何糧運如何況亦正深懸慮承示擇地移紮並派熟識道路二人往作鄉導彌微布置精詳如賊不復竄回則後路嚴守不如前路合攻或在象州以南橫截賊夥竄象之路較爲有用統祈商之故翁相機酌調

沅未敢臆度也李署鎮成叅將在象州帶兵防堵迭飭扼要設伏逐層準備陳守等所帶各勇尙未稟報往賀縣也至督剿一切情形沅固深知其苦而又不便宣露彼此相印以心前承示及添調已經合詞照辦暫且密密以剿捕正在吃緊也

周敬脩中丞向欣然提軍

二月二十日

十九日午刻連寄復函想均照入秦李兩鎮帶兵均由後路追剿未卜會否訂期兩面夾攻自由尊處咨會象

州地方緊要雖有李畧鎮黔兵八百名原派提標兵四百名及徭壯五百名層層防堵或卽飭成叅將所帶官兵一併畱防尤爲嚴密惟武宣行營兵勇能否足用時切懸懸此時正當吃緊勢難分兵他往而賀縣賊已近城鬱博亦甚可慮卽羅城余老八揚言糾夥圖報三防柳州人心頗爲搖惑已密飭查辦未卜得手否也附寄

昨卽行司密防搜拿矣
秦鎮獲犯訊供一紙並祈察入

周敬脩中丞 二月二十日

本日辰刻甫遞一書旋得十八日環翰及手示數行讀
之氣結心急不能奮飛今日之計仍須鼓舞士氣而士
氣非兵多不振萬望飛調秦竹坡帶兵二千二百名兼
程來武助剿仍畱李子廉帶兵二千名從後截追聲勢
一壯賊自不敢近逼外間必加鎮定示以從容切勿令
彼窺破併望密致向二兄也頃商令貴縣雇勇協剿計
日當可就緒武鄉民尙可用否張守各勇到齊否千萬
耐心自重爲荷

又二月二十九日

本日辰刻未刻連上兩函想均青電所商飛調秦鎮仍帶黔兵來武宣合剿如可允行則前路兵力較厚但滇

兵一股在後又恐追剿不力意欲大旆移潯以壯聲威

候秦鎮到後即

可帶勇啓行

並飭桂平縣多帶團練隨同李鎮帶兵追截較易得手

或向二兄商推需人卽札調署司楊中貺來武似此一

轉移閒大員分駐得所可無偏重之勢而鬱博一帶亦

均藉倚長城也

周敬脩中丞向欣然提軍 二月二十一日

每念武宣軍事心如懸旌未卜允調秦竹坡帶兵前來
否如滇黔兵已由後路跟追則兩面夾擊亦此時制勝
之法官兵並可壯膽張守東勇到齊尙能衝敵總以火
器爲要火箭亦可及遠祈酌用正封函間奉十九日亥

十六日奇欣然書即已寫明

刻惠書並咨文領悉大洋墟分兵堵剿前咨原係奉商
並非必欲調往旋於十八日書請調秦鎮帶兵至武隨
剿或仍與李鎮同堵紫荆山後路想已照及不令往堵

大洋墟矣

再武宣現在兵勇太單千萬不可速戰須俟秦鎮到武
帶有重兵或滇黔兵從後路追襲彼此知會再行開仗
卽張守所帶各勇亦望迅賜催齊萬勿著急爲要

又二月二十二日

廿一日奉寄復書後坐思節旄會勦指臂未能從心焦
急不可名狀因承示有安徽河南兵力卽日合詞照請
並再據實縷陳誠恐外閒知之大局轉懈會稿畧遲密

送此時正當喫緊惟祝堅靜運籌或俟秦鎮帶到黔兵
前面合力助剿或令兩鎮會兵由後追襲約期夾攻統
惟相機酌定相愛如手足必諒此愚衷也前商敬翁移
節鎮潯亦所欣然見面爲籌定沉固毫無成見

徐仲紳制軍 二月二十二日

十二日肅上復函度已遞到連接初四十二兩次手教
語重意深頗疑匆遽奉書中有失檢之處夙承愛注視
若所親亮不責諸字句閒也餉項節經籌濟感何可言

續請尙未知何出百端交集如沸如羹卽賊匪縱橫股
數人數管見殊難約定敬翁據各路稟報必應詳列清
單若東西畛域地方官藉以推諉節府固無此見役車
更焉用此自維迂鈍久負青期然必身爲傀儡或猶爲
大君子所垂諒耶金田逆匪已竄東鄉敬翁欣然同駐
武宣督辦須各路兵勇齊集始行夾攻象州亦嚴密防
堵柳思南太一帶無兵可分博賀勢亦岌岌至夸張賊
勢此間已成通病賢者不免沅頗思矯此願與力違鉅

荷難堪惟屏息以待

雷霆耳奏報軍務謹當如示遵辦

周敬脩中丞 二月二十二日

今早專寄一函旋得廿日手書藉悉老謀鎮靜審定機
宜以一身繫全局安危傾服之至現須張勇俱到秦兵
亦來始可定期夾攻鄙見亦復同此原不必急於進戰
向二兄當面商酌自計出萬全也夫咨另文移復斷無
檢舉之理至被我虛實沅固知之但不敢明言耳來示

老弟不信一語沅雖憤憤尙不至此極也

周敬脩中丞向欣然提軍

二月二十三日

頃接廿一日長刻惠翰親若晤談武宣兵勇中東勇較
爲出色然必與兵合力且得滇黔兵從後截追始可兩
面夾攻聞秦李兩鎮兵至界嶺離東鄉二十餘里日內
會否移近自須聲息相通前飭貴縣雇練約可得三千
人已密令迅赴大營聽候調用計日當亦趕到象州防
堵必資重兵成叅將所帶亦暫畱彼處以備賊走何處

就近調遣接應洵爲卓見賀縣得兵勇到彼足資剿捕
但以遲緩爲慮博白團練禦賊亦今日之所難大洋墟
匪果由土客互爭已飭臬司妥辦

周敬脩中丞

二月二十四日

廿三日辰刻一書想塵青電連接吳仲銘來函以捐銀
甚不踴躍擬以錢一千六百文作銀一兩藉廣招徠卽
日具詳請奏此亦萬不得已之舉是否可行祈卽裁示
以便司詳到日卽會臺銜具奏事當急需不得不爲此

碰也前奏捐米一層如已奉到

俞旨自荷恭錄行知當再參酌定稿錢銀米三項並收
惟從其便卓見必以爲然餘詳向二兄信中

又二月二十五日

廿五日早起咨復一件頃接廿三日賜書如領集誨武
宣前後兩路現經布置詳密步勢必一從走此路可慮之至步爲營定期夾攻當可
得手惟兩路均有重兵而象州兵力較單恐其大夥奔
突勢將不敵應俟屆時將黔滇兩省官兵四千餘名調

赴象州以南攔頭截擊李署鎮所帶官兵八百名乃可
站住統所酌裁現當前後堵剿自不能分兵兼顧也成
叅將等所帶兵勇尚不如滇黔兵惟仗威重令行或可
轉弱爲強耳五中懸系寢饋不遑千萬起居珍護願言
不盡欣然兄同此致念

又二月二十七日

連日均有寄函度登電照頃接廿五日惠答及探單一
紙領悉沅因前次來示並得向二兄書商及添調勁兵

已於廿一日會銜具奏並以事關重大懇

恩特簡將軍來粵督勦摺稿另錄奉寄千萬密存承示
自請議處似不便於會銜如果尊意已決應如示專摺
陳奏本月十七日之戰亦祈主稿會奏以免紛歧或議
處由尊處自請十七之戰仍由沅處查照來咨三銜奏
報亦望速賜明示以憑遵辦特此專函奉商

再添用貴練一事沅因官兵需助故有此舉向二兄復
不肯用然則彼此固守耶竊恐此股日久人數愈多東

鄉路寬接濟未必能斷而他股東奔西突無兵可分全
局將不可問並望鈞見酌之

向欣然提軍

二月二十七日

日昨奉書想塵電照沅因屢接來示商及添調勁兵已
於廿一日會奏並以事關重大懇

恩特簡將軍來粵督勦摺稿另錄奉寄千萬密存無須
發房備案至敬翁以十七之戰自請議處沅等未便列
銜頃已詳細函復前奏官兵焚攻賊巢均如來咨叙摺

並無外加一語也

徐仲紳制軍 二月二十七日

二月二十二日肅遞寸箋度塵青電頃接大咨承詢初

六日具奏東省籌餉因何與尊摺銀數不符實係拜摺

廿五日發

奉函附繳仍乞發還

正月

在先奉咨在後正月廿二日賜教尙未示及是以未能

叙入非舛漏也初六日發摺後匆匆報書亦不復記憶

作何語茶心棘手恍忽可知總之此中無他神明共鑒

以後隨時隨事務祈明示切責提誨頻頻俾不迷於所

往感甚企甚賊氛方熾軍事多艱必得統帥主持非不才所能負荷已據實上陳摺稿容再密送

周敬脩中丞

二月二十七日

中隔東鄉

滇黔兵在後路聞賊匪挖絕隘口不至爲所困龍州兵又失利賀縣更多不虞連日憂心如焚不敢瑣煩清聽仲銘來詳初擬會奏細思甫請分局再請捐米若欲再請減錢抵銀太覺重複不如錢米並收之便朱伯韓來商意亦相同

周敬脩中丞向欣然提軍

二月二十九日

頃得廿六日惠書祇領一切昨因陸川告急備文奉商亦非得已而賀縣賊勢較陸川更急平樂桂林均可危聞黔兵現到武宣似宜屬秦竹坡帶兵一千名或一千二百名兼程由修荔馳往截攻其前而以丁叅將及陳守等各路兵勇追擊其後或可保全大局所餘黔兵仍交周德爾將官留駐武宣協勦祈速圖之倘修荔一帶別有緩急亦可望竹坡帶兵策應也李子廉現帶滇兵

在界頂地勢如何併祈隨時關注貴縣勇不可恃而團
練有紳士管帶較勝於勇統候酌裁羅城柳城皆有賊
而此間無兵可派柰何正月廿一日會奏摺均奉
旨照准卽日咨移並爲子英世兄賀也

再楊燾所帶獠勇據象州來稟應移至古蓬古董防堵
較爲得力祈就近札飭爲荷聞賊有大半移住三里並
搶奪牛車似將由大路竄越則牛欄古城一帶應飭嚴
防又及

李文恭公文集卷十五目錄

湘陰李星沅石梧著

男櫟桓榛編次

粵西軍書

周敬修中丞

周敬修中丞

向欣然提軍

周敬修中丞

徐仲紳制軍

向欣然提軍

周敬修中丞

周敬修中丞

周敬修中丞

向欣然提軍

向欣然提軍

周敬修中丞

向欣然提軍

徐仲紳制軍

周敬修中丞

周敬修中丞

周敬修中丞

徐仲紳制軍

周敬修中丞

周敬修中丞

周敬脩中丞 三月初一日

日七廿八均有寄函昨奉惠書知秦竹坡當領黔兵至
二里墟接仗想必面領機宜再行合力攻剿惟象州廟
旺一路防堵最爲吃重迭經指示李署鎮帶兵嚴防沅

亦再三札飭昨因有調移二塘之信復經咨明節府請

孤軍踞險亦望隨時指示結爲賊固

飭仍駐古城自邀俯允此處一經衝突則修荔平樂柳

州均不能守沅意尙嫌兵力較單也高見以爲何如賀
縣賊匪深入兵勇恐未足恃知縣甯域及郭周兩都司

均應先行會叅伯韓在柳勸捐已有成效尙須數日定局知念併及欣然兄同此致意

再二塘在武宣之西賊在武宣之東如由東路竄象州我兵必不能救自以廟旺爲要著也

又 三月初三日

初二日實在情形總未奉明示此心焦急不可言萬祈飛賜一音以紓懸切沅非局外人自無虞洩漏也鬱林州可危之至計將安出專泐奉商

向欣然提軍 三月初三日

頃接大咨以李鎮王協兩稟移營各有意見屬爲酌辦等因沅亦適得李鎮來稟卽經嚴批申飭並密札楊署臬司就近確查稟復以憑叅辦正當軍務需人之際該鎮將不能和衷奮勇堵剿乃至各執一詞實堪憤恨又承示貴縣團練改令前往陸川查陸川相距較遠非近接武宣可比該團練斷難赴調只好中止

周敬脩中丞 二月初七日

連朝正深翹盼適奉初五賜函親如握叙備領初二之
戰部署精詳士氣大振各路奮勇斃賊多名而秦竹坡
帶兵轉戰小挫逆鋒並鎗斃賊目尤爲難得惜楚兵潰
北提軍亦無如何同深浩歎現在武宣大營誠如尊示
關係通省大局黔兵自難他調沅意尙嫌兵單如賊勢
未必回竄或將滇兵二千名併調武宣再將貴縣團練
一千八百名畱用以備緩急緣團練有紳士管帶且與
會匪爲仇又自爲地方計似非募勇可比若令另作一

路聲勢亦壯可否惟賜酌裁其紫荆山後路仍責成桂
平團練分段防守但恐凌十八一股由鬱林前來入夥
則大洋墟又甚吃緊不可不通籌耳丁振剛正在帶兵
馳往賀縣剿賊自與玉銘同俟事竣核辦此時實無人
接手也頃奉二月二十二日

廷寄恭錄先行奉達烏都護向不相識姚石甫的是將
才其餘應查各員似惠鎮慶道尙可畱用概行更換亦
歎才難糜守如何均祈密示復奏

再初二日之戰向二兄來函與尊示大同小異祇候會
咨到此照叙入奏又張二兄攜來之三十餘人均在前
敵差遣務祈轉屬向二兄查明開單見示以便復奏湖
北奉調兩將計由省徑赴武宣矣

徐仲紳制軍

三月初七日

二月廿二廿七等日連上燕緘度邀荃鑒頃接前月廿
六日賜答備叨注示莊誦滋感敬承英佛搜山廉靈進
勦均已指揮如意迅奏膚功且慰且頌此閒武宣竄逆

依然恃眾負隅官兵兩次合攻仍未得手撫軍提軍亟
望添兵實屬緩不濟急而各路紛紛告警空拳支柱無
以應之萬分焦急昨經遵

旨咨商節府自知不情而又萬不得已適奉

諭派烏都護來西會勦計隨行必有重兵未卜卽由駐
防酌帶抑由惠潮等處商請酌調偕行自荷偉略通籌
以紓霓望感悚不已

向欣然提軍

三月初七日

頃奉初四日惠書備悉初二日之戰實賴親臨督戰三路夾攻小有斬獲官兵幸無大損以少敵多亦甚難得承示添兵一節前月廿一日摺內業已照請查閱摺稿自知其詳至軍門督勦勤勞此時無可議處誠如謝摺所云惟有通籌緩急情形整理軍令戮力勦辦不遑計及其他也惟續請添兵緩不濟急豈能株守以待如查探賊情連村抗拒未必卽行回竄或仍移滇兵二千名並貴州團練一千八百名均至武宣相機籌勦兵力厚

則兵膽壯但能聯爲一氣可期師克在和已與敬翁兩
商卽祈面爲斟酌沅專司籌辦不得不如此也世兄均
此復賀餘詳敬翁信中不贅

周敬脩中丞

三月初八日

初七日辰刻縷復一函旋奉二月廿二廿四等日

諭旨均卽恭錄移咨所請滇兵黔兵各一千名亦卽飛
咨催調又奉

諭飭湖南巡撫預備調撥等因仰窺

聖意自以楚兵得力又近粵西昨接向二兄書亦云辰州綏靖等營可用止可遵

旨添調楚兵一千名但恐積習難除雖多無益耳所有應查之惠鎮慶道及糧臺捐局各事宜既有迅即查明復奏之

來函與向二兄書小異自當面商盡

旨自難久待應與三月初二日之戰專候會咨及密示查照辦摺入告也日來尊體如何千萬保重前示自請檢舉一節想可無須陳奏亦望示及爲荷賀縣賊匪現

竄近邊未知各路兵勇何日趕上能否得力又貴縣團練一千八百名能否前赴鬱林救援及大洋墟防堵刻深懸系向二兄先邀

恩賞勇號同人與有榮施而責任之專報稱之難亦在此矣

又 三月初九日

初七初八連上兩函想均鑒入貴縣團練一千八百名已准咨畱大營足壯聲勢滇兵二千名如在後路無益

亦可令其移前似東鄉之賊未必回竄但恐凌十八一股由後路來入夥又不得不防耳橋墟防堵更切於大洋墟貴縣另雇團練未卜何日前往以解鬱林之圍刻深懸慮敢祈就近飭催此閒亦卽札致矣聞賊營夜有礮聲揆其奸計非意在撲營使我習聞不備卽意在他竄故爲虛者實之賊由東鄉至廟旺墟相距大營較遠恐傾巢而往僅一股在三里墟牽綴官兵尙不及知必令秦竹坡帶兵扼住二塘既可斷其一路又可接應古

城其廟旺一路隨時偵探如有大夥北竄卽速派兵追
剿否則象州兵單全局均爲可慮卓見當以爲然正肅
函間接准會咨備悉初二日接仗情形應請議處自列
三衙惟請議外無長策上煩

宸注卽有總統前來亦皆緩不濟急湖南雲貴續調之
兵其來尙早此摺如何叙法高明其切教之

又三月初九日

本日早起專奉一書午後接初七日賜教如親提命佩

悚無涯東鄉賊勢方張沅知兵不可分是以商畱貴縣
團練並擬將滇兵移向武宣之前頃得署臬司來信探
報凌十八一股聞已竄至大洋墟如果屬實則潯城空
虛且恐直入東鄉大夥如虎添翼又須滇兵在後尙可
望其堵截想署臬司亦必有稟奉聞矣武宣關係全局
全仗鼎力維持沅日夕焦思苦無長策前擬請調皖省
沐省之兵又慮緩不濟急現已飛催黔滇續調兵二千
名并楚兵一千名奏請緩靖鎮及單開各將弁咨請派

調前來此聞四川較近兵力如何擬一面奏聞一面咨

示到照辦摺內已先及之

調千名欣然兄必知之深也又敬翁兄前次檢舉已定
自行陳奏沅恐與來咨不合即將是日接仗似無應行
檢舉之處附片陳奏此次查照來咨正好三銜同請嚴
議矣

向欣然提軍 三月初九日

頃得初七日密函備悉一切軍務至重又當棘手之時
惟有異姓同心無分彼此以期和衷共濟仰副

宸廕昨以二月初五之戰

特頒恩錫勇號深爲稱賀沅籌勦無策一再籲請總統
惟知己鑒之也各路調兵緩不濟急生力軍何處得來

又三月十一日

初七初九兩次寄函想均電入頃接初十日惠翰備摺
謙光彌滋紉佩此時大營光景自須生力軍而續請各
省官兵均屬緩不濟急滇兵二千復經會商移往大洋
墟迎頭堵勦雖逆寇必須殄滅要在相機密謀與敬翁

同策萬全也初二之戰已於昨日會奏三衙請
旨嚴議所有來咨後文若叙入正摺恐傷

國體益渙兵心業已撮叙密片仍請

特簡總統以後凡有密語可不入公文也恃愛如手足
敢復及之再承密示另件厚叨關注感不可言沅自託
同舟心心相印從不稍執己見惟知己能諒之也諸凡
慎密彼此同情無煩雅囑

周敬修中丞 三月十二日

初九日兩寄蕪緘頃接初十日惠賜兩書親如握叙敬
悉起居尙未適自由氣鬱心煩時際其艱英雄窘手沉
亦日夜不遑寢食也滇兵往堵凌逆能否尙未可知倘
韋逆襲其後尤以腹背受敵爲慮惜我兵尙須養銳不
能乘虛攻搗也武宣賴布置多方賊不敢犯象州情形
喫重然無增寵之法賀縣官兵壯勇又於里松失利聞
之憤恨已飛咨廣東湖南分兵堵擊烏都統自東而西
卽由梧州馳翺似爲便捷亦卽飛咨商之所論月旦自

公會否於專摺中先行上達如須會摺復奏卽望密示
等差以憑照辦併祈預籌接替有人也昨奏初二之戰
摺片均已咨送張提戎偕來三十餘人向二兄查有清
單當俟隨後附奏再查上年十月十七日奉

廷寄右江鎮總兵惠慶前據奏稱調派弁兵迎擊追剿
尙知機宜著飭令於地方相機盡力剿捕當能得力等
因欽此又據徐制軍上年冬月來函右江惠鎮戎頗有
經略等語謹以奉聞南太泗鎮方需人或可暫畱該鎮

備用仍隨時察看統祈酌示

向欣然提軍 三月十三日

十一日辰刻由專弁奉復一函想塵青照頃得十一日
惠翰藉悉雅懷謙挹受

寵若驚逾滋紉佩賊氛方熾必須沈幾觀變度勢因時
其大略情形恐將分起他竄或與凌逆接應亟盼滇兵
往堵不致糾合並桂平團練出力巡防象州尤須堵截
設有他竄此路必飭追兵跟蹤轟擊能至前頭迎剿更

妥續調之兵其來尙早已迭次咨札馳催並牌行經過各州縣刻速應付前進不得刻遲沅憂心如焚實與戰府同之也

徐仲紳制軍

三月十二日

本月初七日專上燕函諒登珠記頃得賀縣稟報東西兩省官兵在里松勦賊失利且有將備不知下落等語憤恨駭歎爲喚奈何鬱博賊氛甚熾雖飭滇兵馳往得力仍未可知而武宣兩路均岌岌時勢至此續調兵皆

難濟急東省兵亦籌調爲難聞潮勇夙多精悍烏鎗尤
準必不得已敢乞飛飭潮州府縣代雇精勇千名由節
府委員管帶來西以助兵力所不及兵有定數而勇無
定數想荷諒而行之也瑣瀆清嚴臨池惶悚

周敬脩中丞

三月十三日

頃聞廣東撥解貴州餉銀十三萬道出梧州詢係預備
黔兵秋閒支放之欸粵西需銀甚急若將此項截留稍
救然眉但須一面奏聞請將續准大餉由部指撥他省

解黔歸款是否可行特此奉商

又三月十四日

頃奉十二日惠書領悉一切粵西賊氛方熾沅已迭次

上

聞未敢一字不實金田逆匪兇狠亡命亦經再三陳奏
卽二月十七日准向二兄來咨奏報賊竄東鄉亦云未
可輕視查二月以前金田大股而外各屬警報尙少可
資鎮定而潯州兵勇一萬餘人意俟金田辦竣當可分

兵籌勦且因咨商廣東無兵可分卽先調黔滇兵各一千名并非不肯徵調卽閣下初聞金田賊竄十三日手函亦云以後軍情勢如破竹並屬奏止十五員不必前來嗣接各路稟報沅卽於廿一日奏請添調安徽河南兵數千名並請總統督辦仍咨商廣東酌調兵若干均有奏咨可憑兵將何忽相怨若鄭公於沅何恩乃必多方庇之雖至愚斷不出此承示望廣東萬人會否飛文各會此時兼顧爲難如須移節省垣沅卽馳往武宣相

代否則柳州空虛沅亦未敢輕動以致一蹶不復振也
另示韋逆用兵各情自當如示入奏

又 三月十五日

十三日辰刻縷復一函戌刻接誦咨到片稿細繹前示
坐戰之法以逸待勞以靜制動兵心定則兵氣揚果能
通省舉行何事不集刻下武宣工程自己遵示速辦象
州亦甚緊要迭經飛札致之但恐照式不得人耳頃准
戶部咨開續請大餉已撥銀五十萬兩合前數共成八

十萬軍需甚鉅此涓涓者能裨江河耶展轉思維如何
是好奉

諭查鎮道府三員如已專摺陳奏卽祈明示否則亦祈
酌定密速見復以便會奏

徐仲紳制軍 三月十六日

初七十二連上兩函度均電入賀縣里松失利將備下
落總未稟報前來焦急無似武宣相持不下各路告警
紛紛所有糧臺軍需前荷籌解二十五萬兩又截畱兩

稅十萬兩均已告罄續撥無一解到者昨商奏畱黔餉
一節實非得已祇候酌示遵辦潮勇果否得力必需管
帶得人昨乞札飭代雇如有難行之處亦聽鈞裁夙叨
眷顧用敢瑣瑣

周敬脩中丞 三月十六日

連日寄函想均電入昨准大咨商調黔兵來西堵剿南
太一路沅已會咨前往但黔兵已調四千而安義鎮兵
無多恐喬見齋中丞爲難不得不用活筆卽入奏亦擬

如此若東省官兵早至其勢必趕不及未奉

諭旨黔兵豈肯先行耶計先調黔兵一千名當不甚遠
如武宣大營須生力軍來開仗當卽令赴武宣否則令
往象州防堵以備緩急統祈酌示李子廉管帶滇兵於
十一日往援鬱林未識如何賀縣里松之失將備下落
總未確報前來令人焦煞日來尊體已大適否千萬順
序保衛

又 三月十七日

十六日辰刻甫上寸函亥刻接到惠教并摺稿一件駭
歎不已孤危之局正賴全力維持何忍忽然舍去辱愛
如手足絕不先令聞知五內徬徨莫知所措承屬再爲
代奏容卽附及仰維

聖心倚畀必有

旨慰畱矣應查三員參稿如已作成卽祈先行寄示仍
由尊處挈銜會奏沅固毫無意見平南倪令可否檄飭
回任以重地方亦祈酌定

正封函開續奉復示廣東所解黔餉已飛咨仲紳制軍
如無招便仍由此會奏亦可
商請會奏截留矣張釗水勇出力似由尊處於復奏三

員之便據實奏請

恩施較爲切至足資鼓勵統希酌裁賀縣稟報總未來
非得將備下落如何叙摺又如何發摺令人氣極

李文恭公文集卷十六目錄

湘陰李星沅石梧著

男

概榛

編次

粵西軍書

徐仲紳制軍

向欣然提軍

向欣然提軍

周敬修中丞

周敬修中丞

向欣然提軍

周敬修中丞向欣然提軍

周敬修中丞

周敬修中丞

烏遠芳都護

徐仲紳制軍

周敬修中丞

烏遠芳都護

向欣然提軍

周敬修中丞

向欣然提軍

周敬修中丞

周敬修中丞

周敬修中丞

徐仲紳制軍

徐仲紳制軍 三月十七日

連日寄函想邀電照頃奉本月初七日惠答及正月廿
二日一件備蒙垂諒既感且慚至言重如山尤悚息不
能已也潮兵進剿欽州賊匪無難殄滅而南太昆連之
處實乏重兵深恐如劉八敗竄故事且惠鎮卽將被劫
武營更覺乏人幸早物色替代爲荷武宣日久相持兵
力殊未足恃敬翁亦再而衰甚盼生軍相助奉商潮勇
一節僉云管帶需才聞黃岡同知甯立悌人頗幹練可

否飭派雇帶來西仰祈鈞酌烏都護何日成行賀縣迄
無續報如何入奏悶極悶極

向欣然提軍

三月十七日

十三日巳刻奉復一函頃得惠書承商二月初三初五
等日兵勇請獎似與近日請議兩不相妨或卽查明暫
爲存記俟下屆奏捷並請滇黔兩鎮查復彙案辦理亦
無不可但奉

旨之件似不宜過遲也武宣亟須兵力旣亦時刻在心

已迭次咨札行催并派弁持令及牌傳沿途隨到隨卽
應付無稍刻遲大約楚兵雖近而由綏靖各路調發到
在黔兵後矣聞賊欲水陸并下則勒馬渡勇船最要緊
來卽以礮轟之倘賊往奪船又須官兵援應卽二塘墟
雖有黔兵亦必楚兵奮勇相顧也敬翁近體如何深以
爲念

又三月十八日

頃得十六日惠書知前信均邀青覽黔楚續調之兵迭

經火速行催尙無入境確信而大營必須生力軍誠如
來示惟有添雇壯勇以期捷速張守赴梧選募何日回

亦須切實詳

營陶八所挑亦可得力東鄉難民現爲我用尤可以仇
激之貴縣團練聞亦夙與賊仇者也毫勇能到多少又
聞有添雇軍勇不下爲數若干總須各勇到齊自可相
機決勝日久則更吃重至該匪非常狡詐勢必指東奔
西要以跟追轟擊爲臨時先著仍隨時嚴飭各路密防
耳坐戰之法於守更宜敬翁與紅會否全愈沅亦有書

勸之滇兵往援鬱林又有大洋土匪恐其當路賀縣賊亦無續報東省陶提軍現剿欽靈賊匪而西省會剿仍乏重兵刻深焦急

周敬脩中丞 三月十九日

頃奉惠教渥叨關愛心感實深昨以欸欸之誠欲詣行營相代復思坐戰之法正當一力督飭又承咨示請兵摺稿彌徵勝算獨操事會方殷未必仔肩能卸現在堅壁以守惟尙須生力軍自不必文武大員一隅聚處沅

已迭次飛催續調黔楚官兵并以柳州兵不能分仍飭
添雇壯勇以備相機進止引磨左右尤切依馳伏祝珍
衛節勞爲

國自重

又 三月二十日

連日均有寄函想邀照答十九日亥刻得二月廿一日
奏摺回柳有

旨於前調雲貴湖南官兵各一千名外添調安徽兵一

千名催令前來所請總統未荷

准行併傳

旨嚴行申飭仰測

天心方殷南顧如節府昨遞之摺必有

溫綸慰畱沅亦不敢代爲贅詞矣此時全局安危專仗
老謀碩畫毫勇聞已到何日赴營各屬軍勇能多少兩
帥經開誠勸勉諸凡翕然此師克在和之理尊體甫就
康復仍祈耐心寬心以紓公望前函奉商之件務祈示

復照辦李子廉帶兵往援鬱林尙無來信賀縣稟報迄
未來眞不可解

再象州大樟係走脩仁要路該處止有蔡效敏帶勇四
百防守太單須於武宣各勇中再祈撥派若干前往統
惟裁奪

再譚承德一犯現在省監自盡此奉

旨飭審擬罪之件卽擬會叅將有獄官請加嚴議專此
奉商祈示辦法

向欣然提軍 三月二十日

十七十八連寄兩函想均青入頃得二月廿一日回摺
奉有

廷寄所請總統未蒙

允行並傳

旨嚴行申飭復諭催前調雲貴湖南兵各一千名又添
調安徽兵一千名此時最要之務莫如將士協和振揚
兵氣各路雇勇何日能齊如何設法籌勦總祈精心酌

商敬翁近體聞已平復甚慰甚慰象州大樟係走脩仁
要路該處兵力過單甚慮賊竄萬乞於壯勇中酌派數
百前往協守爲要烏都護本月十二日由廣東起程並
未帶兵惟火器頗多如由梧至武宣即可面商一切也
所有奉到

諭旨卽刻備文咨送乞密存之

周敬脩中丞向欣然提軍

三月二十一日

廿日酉刻奉賜翰祇領一切續調安義鎮兵二千名

卽日甫經會奏先調黔兵千名前途尙無確信令人勝切一俟到柳卽令赴武宣必不任其遲滯惟合力進攻賊恐北竄象州不可空虛務乞會商預籌非沅有成見也烏都護所攜火器多而且精計日馳抵武宣可資臂助賊匪紮解搶渡恐以水路綴我而仍由陸路出象州爲聲東擊西之計卓見以爲如何賀縣里松之失陣已將備入員昨夕始得稟報曷勝憤恨鬱林援兵未卜何似陸川得博白團練較得力

周敬脩中丞

三月二十一日

昨夕捧誦公函知尊恙已愈勿藥有喜足徵天佑吉人
深以爲慰連奉

諭查之件如惠鎮慶道縻守三員卽祈定稿見示又勞
藩司前奉

旨責成經理糧臺捐局如何復奏亦祈酌定本日發摺
以未經商推均未之及此皆不宜再緩專候復書照辦
想邀心鑒

又 三月二十二日

廿一日連寄兩函旋得復書及另示謹悉黔兵來無確
信而象州大林地方必加防守如果東鄉逆匪全數分
三股他竄我兵却不可分似應以全力追擊象州再行
往堵脩仁庶免彼眾我寡其貴縣一路止須貴縣團練
暫可禦敵惟貴勇似宜撤回統祈酌奪脩仁最可慮此
閒張教官讀書人亦尚明白已飭馳往幫辦防堵矣惠
鎮慶道糜守三員惟惠鎮尚無劣聲且南路賊氛方熾

正苦無兵若再無總兵人心更覺惶惶非以肅鎮爲重也或此時暫留隨時察看似乎兩得僭擬一稿卽所改定發回照繕會奏以免兩歧

烏遠芳都護

三月二十二日

頃聞兩奉手教親若晤談東省無兵可分昨仲紳制軍來書亦經道及節華西指騎從無多當以火器爲先成功自速沅以重兵悉駐武宣此閒無兵可帶專候武宣事竣再商分兵他剿續調雲貴川楚皖省官兵五千名

一時緩不濟急高明何以策之

徐仲紳制軍 三月二十三日

本月十二十六十七等日均有寄函度邀青電奉商
畱黔餉一節原應祇候咨復辦理因吳仲銘屢書告急
勢難少緩又無他法可想只得僭擬摺稿會列臺銜由
東省解酌委員求賜札飭爲企
驛具奏知關蓋系當荷諒原

周敬脩中丞 三月二十三日

廿二日奉復一函並擬摺稿數行專候改定發繕想邀

垂覽旋因吳仲銘書來告急前商截留黔餉若待仲紳
制府咨復再辦恐其太遲只好由驛先行會奏摺稿容
卽另咨平南倪令撤審當經批飭臬司迅速審明擬一
奏結案此時旣無不合已飭回任自可毋須再奏前案
可咨結矣

烏遠芳都護

三月二十四日

前日甫遞復函頃再奉大咨及手教益徵偉畧佩慰無
似東省兵旣難必至西省兵又無可分賀縣賊蹤驛定

自應仍請按部武宣擇要籌辦沅亦願一麾相左右也
頃奉初九日

諭旨賽相巴省護達鎮軍均著馳驛至廣西湖南交界
防堵卽前日合請總統之命謹以奉聞

向欣然提軍

三月二十四日

廿日奉寄一函頃得廿二日惠書備叨注示親如晤談
佩慰何旣二月初三初五等日兵勇請獎自可俟捷報
同發滇省兵將正往鬱林尙不知何日查復也陶軍門

兵未必能來黔省兵仍無信楚兵據駱中丞咨開領兵
爲谷副將餘皆非所知者已咨請查照原單亦不知能
否照派殊切心煩賊匪勢已竄動究於何處扼要象州
兵力較單頗思親往察看再至大營奉商苦無一兵可
隨行也奉

諭賽相巴都護達鎮軍前至湖南廣西交界防堵

天意可知如能及早報捷乃至幸耳頃承咨韋健元等
久經出力已如示繕送功牌卽祈飭發仍望諭以協力

上緊防堵也張釗等已由敬翁奏給藍翎想必會尊銜
矣

周敬脩中丞

三月二十五日

頃得廿二日復書知象州大林將以後到黔兵駐紮洵
爲扼要但黔兵到此尙無確音殊不可解賊旣圖竄象
州該處要緊沅擬親往查看再行奉商糜守叅無可疑
以昨寄片稿尙未發下恐已彙入三劣摺或至此件重
出不得不稍待回示鶴合殉城各事另擬一稿統候改

定發繕昨奉

特派賽相巴都護達總戎前來卽總統之命惟我輩同心共濟實不敢有意見無如時際其難耳

向欣然提軍

三月二十七日

頃接廿四日來書備悉一切沅本擬廿七日啓程因現值大病改於初一日力疾馳赴武宣統容面商一切病中恕未詳叙

周敬脩中丞

三月二十七日

連接廿二日兩次惠書尙稽裁禽沅連日忽患虛證大
汗不止幾瀕於危本日始有生理象州防勦吃緊該處
兵力太單大營無兵可分祈於東省福勇中飭撥一起
卽日赴象協同堵勦以免各路竄越沅擬卽日前往並
至武宣面商一切連日服藥調理已有效幸勿縈念
再勞方伯應否回省督辦糧臺捐局仍祈酌定明示以
便遵辦廉守業已叅革其譚承德一案似應司詳到日
再行會叅統希察核爲幸

正封函聞適奉廿五日來函並發遞摺稿領悉壹是向
提秦鎮竟至如此殊非意料所及沅本擬卽日馳赴大
營因病未果茲准於出月初一日力疾前往統容面商
一切也

又 四月初二日

前月廿七日奉布一函計已入覽頃專弁賫到賜翰知
辛亥兄所解脾礮等件暫畱大營如沅有所需再行撥
用極爲妥便沅力疾登舟所患尙未少減頃將行次象

州約二三日即可抵武宣面聆雅教也

又四月初三日

日昨奉布一函諒邀青照頃奉賜翰備好關垂心感無
似承示會保一事容沅馳抵武宣即行面商具奏沅頃
已行抵象州晤教匪遙統容面叙

徐仲紳制軍

四月初四日

前月廿三日奉布一函計可先此得達昨接廿五日手
翰尚稽裁復載誦廿二日惠書敬聆一切潮勇已經飛

札選雇並委妥員管帶前來備紉關愛感何可言况自
前月望閒卽有不適尙能勉力支持忽於廿六日大汗
不止幾瀕於危幸服藥稍有轉機而精神極形衰憊又
以武宣賊匪必需移駐會辦已於初一日力疾登舟茲
行抵武宣病勢尙未少減柰何